

Dahsienghgyangh, Dahsienghgyangh

湘江，湘江

□ Cinz Yajbwz sij/ 陈雅北 著 Vangz Gyanghmyauz hoiz/王江苗 译



It

Bi 1943, gwnz bangxdat gizhaenx Gyoengqvunz hoenxcieqgq ndangdaenj sengxsan caeuq fajnaj faenxfan
Cingq gannanz fuzrex hwnjbae Gou naemj, daxboh hix youq ndawdoih
De aeu fajfwngz saenzdedded, menhmenh mbehai mbawgeiz hoengz-gwyggywg
Doengh dujva ngamqngamq angj hai haenx
Raemxraiz doekcaek

Ngeih

Boux bawxmoq bwz nogbyoem baenz yieng mehmbwk neix, de dingq gyaej Dahsienghgyangh haenx
Singcung singbauq menhmenh caemyenz, de naemj, bouxsai wnggai yaek dauqma lo
Roxnyinh miz di najnyaenq, simvueng
De yawj hamqdaah doiqnaj mok-hau sanq bae
Bouxsai cug ga haenx cingq riuhehe coh de

Sam

Daxmeh geq lij fuz bogdou deq dai deq ndiu. De mbouj siengj buen deuz
Lau daeglwg dauqma ra mbouj raen ranz
Haeuxyangz ndawreih maj gvaq geij miuz
Aenranz yied ngoenz yied daemq lo
Ndaundeiq daj conghroh ciuq roengzdaej. De siujsim lumh aen vujgozsingh aeu baengzhoengz raed baenz
Benzlai bi, de liuh mbouj daengz Daeglwg de, youq ndaw congh-yiuz dieg baihbaek sij saenq fung dem fung
Cix mbouj miz banhsap geiq okbae

Seiq

Yaek miz vunz soengq duj vahoengz ndeu hawj gou lwi?
Raemxfwn gyoetgyat, doek youq gwnzndang gou

Dauqngeix bihaenx, henhamq Dahsienghgyangh mok hausaksak
Daxmeh couh youq seizhaenx, ciuqseiz okdou hwnj bya
De aeu raetndoeng, youq ndaw guenqvax aeuq danggaeq
Baez gaemz baez gaemz bwnq boux caeuq daxboh daenj buhbing doxdoengz de
Caen lau goengqbya yawjraen
Gij conghumz mbouj dingz aeu mbawcoengz caeuq namhdoem dienz-moek haenx
Caen lau lwgda de
Aenvih raemxda lae caez bienqbaenz ndaekrin caepcat

Haj

Youq Dahsienghgyangh, gou caeuq daxmeh dingq fwn doek baenzhwnz
Caj goengqbya hoengzndaeq bienq ndaej heuswdswd
“De yaek dauqma luba!”
Binaengz, daxmeh cungj baenz-neix naeuz
Gwnz reihndoi rog ranz, dou ndaem le haujlai gomanh
Baez okdou, gou couh yawjraen baenz benq hoengzgywg
Gig lumj gjj lwedndat saemqboh youq gwnz dieg hoenxcieqgq lae saj

Roek

Gou mbouj siengj dauqngeix seidoeng, mwh daxboh byaj coh doihamq Dahsienghgyangh
Aenmbwn nitnatnat
De aeu lwgmanh raeujraej, aenndang caeuq doengh boux caez hojsouh haenx
Daxmeh mbouj oksing, youq diesang vat ok maenzdoengzlingz ndaej dienz dungx
Ngoenznaengz haetromh miz mok
De cungj bae henzdah muengh-yawj, gizhaenx, miz feiz dawzyubyub

Caet

Naed haeux ndeu ndaej youq gyanghwnz, ciuqrongh goetndok ba
Ndongjndatndat, lumj gocoengz ndawndoeng daengjsoengsoeng
Gou nyoubi daengz gjj hei q haemzswd
Daxboh bihaenx gaenq daeuj

gvaq, de couh caeuq gyoengq vunz daenj buhmong gwed cungqraez
Ndoj youq ndaw ndoengfaex nyasaegsaeg, ruenzrux baenaj
Gvaq haujlai bi le, miz vunz vixvix aen' gyaej ndaw roengq gwnz laeuzsingz
“Daxboh mwngz, mbouj youq lo!”
Fwnzsauj daxmeh raemj dauq doi sang' vidvid
“Mwngz aeu roengzrengz doeg-saw, majhung le henoh guekgya!”
Youq gyanghongh, gou gaem fag cungqboggog aeu faex guh de
Hag rox onjdwdwt liuq simbaj

Bet

Daxboh gou caeuq daxboh gyoengqvunz neix doxdoengz
Youq gwnz Dahsienghgyangh fouzmiemieg
Cij dwg baez de roengz raemx gaxgonq
De daengq gou aeu guenj ndei aen vujgozsingh saekhoengz gwnz mauh
“Riengz gungcanjdangi mbouj deng dai”, Dahsienghgyangh lwed nyumx hoengzfwgfwg
Gou yawj mbouj cingcuj fajnaj byombyet giendingh mbouj utfug de

Gouj

Binaengz, gou riengz daxmeh, caeuq doengh boux daxmeh gyoengq-de doxdoengz
Bae gwnzbya, benq faexcueng heusausau hawj vunz siengsim haenx
Daxboh ninz le geijcib bi lo
Nditrongh ciuq mbawfaex go-nuyj engq lwenqda
Gou dauqngeix gjj vah de gangj, raemx caepcatcat, hoeng daihdeih onjdupdup

Cib

Gij gikcingz bak bi gaxgonq, gjj saenqyengj giendingh
Bienqbaenz nditromh con fwjmok
Ginglig fwnrumz, lawh baenz cungj saekdae moq seisdaih hung
Hoengzgywgywg, gyaelulili, daiz-heiq iq aen rangh aen
Gyoengqraez gig vaiq haeuj ndaw giiek

Cingq lumj raeuz maqmuengh nei Youq hawsingz, youq ndawcangj, fajnaj coznomj cingsaenz gvaekgvaek
Youq lajmbanj, gou itdingh ingj mbawsiengq
Youq gwnz deihdoz Cunggueuk lumj yiengh gaeqboux haenx
Byaengqda cimywaj aen sei-gyaiq hoengzfwg neix
Ciengz binghraq hung ngamq-ngaengq hoenx hingz ndeu
Lij miz gjj ciengq baet gungz duet hoj baenzbaenz aeu haenqrengz dwkhingz
Mbouj miz geijlai goj bae haenq ciengq yienghsienq gungcanjdang-jenz
Cawzliux seicoz rengzhoengh bae gienhawj

Cib’it

Lizsij itdingh geiqmaenh, dou youq moix gaiq sigbei hungsang siengniemh gyoengq lezsw
Doenghboux naj laemx laeng swnj miz saenqyengj doxdoengz de
Gaenriengz diuz lohsienq aendangj dazyinx, gaenriengz aen fuengyiengq aendangj ceijmingz, haenqheiq baenaj
Youq benq dieg rom lai ok noix neix

Cingq cauh ok goengcik noixraen aen dem aen
Bak bi fwnrumz mboujcaengz gatduen gvaq
Diuz roen majhung gizgiz dwg gumzgumz gamxgamx
Vujsingh Hungzgiz youq gwnz najriu vunzlai mbinmieg
Gou yawjraen nditromh mizmuengh, gaenq menhmenh hwnj sang
Doenghjij geiqhauh neix, youq baez banringz lawz ndaej supaeu
Cungj gyaeundei ciengxlwenx youq. Caemhcqiq youq seizeinx
Duz lungz hungloet cingq yathwnj ndeu daengj gyaej sang-ngaungau
Ndwn youq seiqyaiq baihdoeng gyaeg’gyanggyang
“Gou youq gizneix vuenyungz dangqmaz”, seizneix aen ndaundeiq moq ndeu doekseng
Gou gaemhdawz gjj saekhoengz ciengxlwenx lwenqmyanz